

探路記



東埔泊以北探路記卷六

目錄

由克綫杭進雲南

蘇子知
船

同治六年

由克綫杭進雲南

十月初七日自杭起程去邑不遠卽見湄江之中槩船渡船絡繹不絕貨物行人彼往此來余等人裝亦同過渡渡費僅二洋烟資而已是晚宿於江左之鎮

次早陟高嶺向直北少西沿小岡凸起之旁十一點鐘過岡脊而復陟一山遙見湄江之幹囊哈之支兩水分流彎曲環抱中佔一絕大平原時奇雲蔽山蒸然作雨毒日隱現南望不眞顧東北一角峯巒磊落起伏如滾湧途中遇數野人長面色白大抵中國種也下午行岡之東麓趨夢陽鎮之谷是晚抵鎮而宿囊楊兩岸均有堆斯所居因避

夢兒當卽孟拱
土司

元江直隸州領

新平一縣東至

臨安府之石屏

南至車里宣慰

司西至鎮沅北

至南安元立元

江萬戶府明為

元江府領長官

司一曰因遠羅

必甸國朝改直

隸州割臨安府

之新平縣來屬

柏夷卽百夷亦
名獵夷

回亂從囊堆谷遷此彼呼其谷曰金沙中有夢兒夢牙兩

邑囊堆者卽南掌人稱東京河也夢兒者卽中國元江邑

之舊名也在囊陽鎮月有民種一類曰堆牙中國人名之

曰柏夷垢敝枯槁大都窮苦余等卽僱之以運物焉

初九日離鎮入山林樹茂密絕少人居渡岡涉嶺頗費攀

躋之力是晚卽宿於半山蒿草之中困瘁酣眠不復擇處

矣以風雨表計之山頂之高約四百三十餘丈

初十日仍在重山之中多嶺彎曲四望甚遠山傍有泉下

衝飛流瀑布漸成清溪是晚止宿一野人鎮曰彭公亭人

勤農務運夫難募惟得女人小孩然行路頗遠力亦不弱

方輿紀要元江府有禮社江一名元江繞府城東南而入臨安府境
客綫屬阿據表即克綫鼻
思茅即克綫鼻而屬於夢拉此即孟臘音轉
夢浜表作盤之一字浜盤音轉

或停或行擊鑼爲號頗有次序未幾至湄江大支河曰囊姚流佈谷間每得灌溉之滋

十一日經行多花多樹之村賞覽徐行六點鐘後抵客綫
勐阿爲南掌盡處屬夢拉堆小邦所轄邦主向居邑東不
遠自被兵燹移至西北境離此有半日程矣此邦主土人
呼之曰煞芒實即中國官音思茅也是日停息于該鎮
十二日行三點鐘抵夢浜此鎮形勢甚要。是中國之隘口
地高海面三百三十丈至四百丈播居雲南難民以及堆
牙各種皆專業務農開中國風氣于南掌者泥牆蓬壁柴
扉木牖絕無高屋然居室雖陋藝工頗勤屋內棹橈盆桶

囊作囊桑果

家用什物無不周備我等借寓居然大樂村傍果園菜園風景幽甚犁鋤椎簸之屬隨處俱有余等所見考求種山者此爲第一處也堆牙服色與克綫杭所見之堆南阿相似其女服一色人人無異者圍裙一幅常穿背心外罩帷裳耳懸銀絲大環髮插銀簪面狀首飾悉如瑞士白里屯女夢浜居民款接甚殷過宿一宵

十月十四日雇運物人二十四名晨刻起程前行不遠十點鐘抵朋囊桑部從路中高處復望見囊姚谷及克綫耨阿鎮踰峯而下見古時半墾之田足見當初盛業田勢不一亦可見植穀之繁既至朋囊桑部谷路逼窄旁有石

槃高聳，遙隔湄江，中繞小河一條，向北折西，灌沃斯地，河之兩岸，峰巒銜接，頂有鎮屋，皆土築，色黯淡，遙望隱隱如炮台，行近山麓，風景一變，陟岡而上，見所植粟米甚多，忽有中國之蔴田，到來爾指云：內一種阿剛帶塞，可以代靛青之用，並植菘豆，間有豌豆，其桃李梨花各種果樹漸多，林木漸少，隨處有青剛樹以及松樹，橫生山額，一久無此風味，奇境忽逢，精神頓爽，村人農工甫忙，接待尙優，惟物價漸見昂貴，從此涉王化界域，沿途玩賞，頻起家鄉之感，想歐州好境，與此相思，覩此風情，不覺將所過各地，了無餘戀矣，土人形狀，漸次變更，似華非華，似堆非堆，殆卽中

國收服雲南最古之一種也。牲日亦變。馬牛豬身漸高大。閒有驢類。場圃有鷄。哺養得法。種甚肥大。大者重六斤十兩。權其輕重。論價交易。

十月十六日。抵楚騫鎮。竟似中國景象。所有店號招牌。俱以紅紙成書。字各有義。昔時西方人頗重之。每至考究此字。必置之廳堂。以昭敬。屋內裝演。貧富無異。起居服色亦相若。可想見數千年王化整齊。得使此四萬萬人同歸一轍。楚騫未能雇長夫。余與護勇數人。以及行李皆落後。以待牛馬搬運。捱至傍晚四點鐘。居民尙作工田畝。甚至女伴男忙。余只得息心靜氣。強忍以待。至此南掌言語。不得

通行。余勉書華字數行，與之筆談，始知回匪猖獗雲南全省。十一二年以來，統遭蹂躪，幾無完壤。余所寓屋主亦曾爲回所傷，家遭劫掠。據云：攻拔思茅時，被殺者計十萬人。回匪據此廳一年，華民呼回曰鬼仔，賤之也。甚言回兵利害，以余度之，亦半係形容之辭。又傳來之信云：回子兵器精良，有大砲一種，須兩人施放，一人肩之，一人燃火，另有矛子甚長，計三丈三尺，非二人不能舉之。以此利器助以堆斯，遂陷斯邑。時思茅華官設法克復，未久，旣克之後，疫癘大行，日死五十人左右。當日未能前進，追及先行之同事，遂宿夢拉堆守兵營中。次日黎明起程，行路未遠，隨在

高阜處望見回匪所掠地方，烽鏑猶存，有大鎮一所，房屋
傾倒，瓦礫荒涼，堆于半熟田中，四壁依然矗立，壁內周圍
留有火燒痕，鎮中寂寞，聞無居民，惟中國營造工程，堅固
合用，至此始得一見，觀田中農務猶勤，可見人民未經遠
徙，不過暫躲於鄰近村落耳，正於此處徘徊，會見特總辦
於前途稍駐，早膳畢，在事人一齊起程，降自高原之對麓，
瀉有一澗，繞谷南流，其水應入柬埔寨之囊拉河，達克綫
杭夢遊之間，分劃雲南一股，及稀桑邦，各部界嗣後踰
匡而下，凸出一路，沿途見中國墳墓甚多，立有石碑，上鑿
華字，中幾處以白石砌成，既達中國境內，將近城邑，便有

法人此次只經越南南掌緬甸而云從印度入中國者一則佛教所被皈依天竺一則法人以

康莊想卽居民下鄉殯葬往來之大道平坦易行衣冠濟濟舉止亦覺秀雅風景一變諸同人爭覩以爲快傍晚四點鐘陡見平陽一片延袤無垠中矗起敵樓一座城郭隱然其中屋宇林列牆色紅白錯間成趣城外有市臨流建屋水溉平陽遙見花果蔬菜園林鬱茂四圍築有石路白如銀鋪高山圍抱余等乍見華邑不免怦然心動溯自風霜勞頓一十八月歷盡蠻夷荒域始到王化之區實爲歐洲人初次從印度入中國也特總辦預遣差員告知思茅廳官備言余等到來甫至市稍華官率兵弁出接導行入城居民結隊來觀各相訝異擁擠不堪察其意氣亦無歹

此地爲印度之
東半島故冒稱
印度耳

念時余等遠歷長途垢敝枯槁自顧殊覺赧然僅各曳短
褐一領以之蔽體足無鞋履又無品服式制足以彰大國
使員惟特總辦尙有金線數條垂絲飄忽在在華民見之
應亦憐我之困也卽在法國見如此形狀行於街市之間
亦不將鬪聚游人童豎揶揄來觀乎且思茅人之環集者
不僅異我服色亦且奇我狀貌想彼僻處窮鄉觀此形景
應不解歐洲人何以素稱強盛震人耳目得毋私相竊議
曰此不過沿海居民點綴烘染耳至兵器輪船之精良各
種工藝之巧妙豈此野人所能爲哉如謂五千年王化之
區反出其下實屬蠱惑謬談決無此事一日有一華官竟

失常禮行於總辦之後，忽將總辦之帽輕輕揭起，詰其故，則曰：吾欲觀歐人第三眼耳。人言歐人俱有此眼，得瞧見地下寶藏，未知真實，姑一試之。時余等既至思茅，宿于城外一廟，華民雜沓來觀，囉嗶不堪。巡街吏吆喝多時，始得將閒人逐去。廟中菩薩亦爲不安，其接客不恭類如此。在余等悉心以待，固云耐矣。回思歷苦嘗辛，始達中國，自問亦不可謂非福緣。中國兩字，震爍已久，既至此處，卽苦亦樂。此往應無窮境，所喜者佛臺供像，垂眉微笑，偏若憐我遠征耳。到後未久，廳官遣一藍頂差員，送禮於特總辦，大半如米、鹽、雞、猪肉等土宜。

思茅係普洱府
同知所駐又有
訓導一官見籍
紳便覽又有巡
檢兼司獄一員
亦駐思茅

次早十月十九日，徧搜行篋，所有華服盡穿之，帶護勇列隊往謁思茅長官，一路經過市屋，悉遭回亂，十室久空，勢將傾圮，略有一二處草率修理，苦無瓦蓋，以破蓆木板遮之。街中行人濟濟，來往兵勇絡繹不絕，大半廟宇改爲兵房，佛臺作爲馬槽，吁！旣遭回寇之惡氛，復受官兵之輕賤，佛靈有知，應亦相對淒涼，自嘆歷劫千百矣。城牆碑砌基用紅礪石，數段崩圮，現在修理正忙，牆外掘濠，濠外樹柵，上釘鐵齒，有月城，啟閉重門，余等穿城而進，至長官衙門，款在第三進署房，時長官公出，尙未回轅，頃之八人昇轎升砲，吆喝而進，降輿出者蒼然一老也，年約六十餘，身穿

公服內襯綢衣外蒙皮斗篷帶珊瑚頂余等初不置備有一顯秩大員至忙辭多時俄傳入會談花廳送相寒暄無要語長官向余云六月之前已知足下等將來故特遣人遠接細思此語正如克綫杭信中所述謎語一般繼又云長途險阻本憲以汝等爲不來矣現擬留擬處幾日余答云至少十五日冀可稍息官又云汝等志在遠遊敬敢奉告此去路險而苦如疫病寇盜及一切不測之虞汝等寧不畏此尙將北遊耶總辦答云僕奉命探遊勢必溯湄江而上不窮其源不返旣蒙台下惠教未識有何法可以避險耶官曰君等果不畏長途本憲當遣人導送出疆特總

臨安今府

案方輿紀要明之新化州屬臨安府蠻名馬龍他郎二甸云云今臨安府無此州而曲靖府之馬龍州增平彝縣及宣威州他郎改屬普洱府地設通判一知事一

辦遂饋遺手鎗一幹隨在廳側牆上連放數鎗幸未傷人此官係臨安人眾稱其李大入初在梁大人部下梁大人頗能軍初為臨安首官掃平該省南境回匪李大入隨軍克捷得升他郎廳復從他郎至思茅攻逐回匪時本廳居民逃亡者十之六七李大入設法招撫始有數店復從東南兩境販運食物以充軍糧是時驢馬結隊往返搬運糧米軍器火藥砲彈棉花木料等物此官處事明敏整練軍伍批閱公文監築濠溝郊外布置關卡以衛城池復從克綏杭購得石機槍以充軍裝此槍來自英國為歐洲極古之軍器而華人猶目為利器至以繩燃火之藥線鎗尤為

兵器大宗。他如長蛇鎗、鐵箍鎗、叉架鎗，悉是古式。此等軍裝，自余觀之，當另易新式，方可戰勝攻取也。按思茅至夢加及夢洪，計程約有三四日，須擇路而行，向北爲回所據道，多阻塞，且受兩面猜疑，無益於遊歷之事。卽所帶日記簿子，竟可爲前途守兵搜去，是以不敢進發。思茅長官談笑向余云：不若暫留彼處，幫打回匪，復提及克線杭前信，曾關切余等，不便取大理府行，恐被回匪捉獲等語。所帶中國路照，非但無用，適足爲回匪所忌。且云：除雲貴總督諭封發一信外，另有從雲南洋員高蘇韜，又發一信。余等不識高蘇韜爲何人，據云：精於製造火藥，創設地雷火砲。